

Dóminus prædicáre pópu-
lo: et testificári, quia ipse
est, qui constitútus est a
Deo iudex vivórum et mor-
tuórum. Huic omnes pro-
phætæ testimónium pérhi-
bent, remissionem pecca-
tórum accipere per nomen
ejus omnes, qui credunt in
eum. Adhuc loquente Petro
verba hæc, cecidit Spí-
ritus Sanctus super omnes,
qui audiébant verbum. Et
obstupuerunt ex circumci-
sione fidéles, qui vénerant
cum Petro: quia et in na-
tiones grátia Spíritus San-
cti effusa est. Audiébant
enim illos loquéntes linguis,
et magnificántes Deum.
Tunc respóndit Petrus:
Numquid aquam quis pro-
hibére potest, ut non bap-
tizéntur hi, qui Spíritum
Sanctum accepérunt sicut
et nos? Et iussit eos bap-
tizári in nómine Dómini
Jesu Christi.

Allelúja, allelúja.

¶ *Act. 2.* Loquebántur vá-
riis linguis Apóstoli magná-
lia Dei. Allelúja.

Hic genuflectitur. ¶ Veni
Sancte Spíritus, reple tuó-
rum corda fidélium: et tui
amóris in eis ignem ac-
cende.

Sequentia. Veni Sancte
Spíritus. ut supra in Domi-
nica. pag. 34.

✠ *Sequéntia sancti Evan-
gélii secundum Joánnem.*

Joann. 3. b.

In illo témpore: Dixit Je-
sus Nicodémo: Sic Deus
diléxit mundum, ut Filium
suum unigénitum daret: ut
omnis, qui credit in eum,
non péreat, sed hábeat vi-
tam ætérnam. Non enim
misit Deus Filium suum in
mundum, ut júdicet mun-
dum, sed ut salvétur mun-
dus per ipsum. Qui credit
in eum, non judicátur: qui
autem non credit, jam judi-
cátus est: quia non credit
in nómine unigéniti Filii
Dei. Hoc est autem judi-
cium: quia lux venit in mun-
dum, et dilexérunt hómines
magis ténebras, quam lu-
cem: erant enim eórum ma-
la ópera. Omnis enim qui
malé agit, odit lucem, et
non venit ad lucem, ut non
arguántur ópera ejus: qui
autem facit veritátem, venit
ad lucem, ut manifesténtur
ópera ejus, quia in Deo sunt
facta. Credo.

Offertorium. Ps. 17. Intó-
nuit de cælo Dóminus, et
Altíssimus dedit vocem su-
am: et apparuérunt fontes
aquárum, allelúja.

Secreta.

Propitius, Dómine quæsu-
mus, hæc dona sancti-
fica: et hóstiæ spiritalis ob-

latióne suscepta, nosmet-
ipsos tibi pèrice munus
ætérnum. Per Dóminum.

Communio. Joa. 14. Spí-
ritus Sanctus docébit vos,
allelúja: quæcúmque dix-
ero vobis, allelúja, allelúja.

Postcommunio.

Adesto, quæsumus Dómi-
ne, pópulo tuo: et quem
mystériis cœlestibus imbui-
sti, ab hóstiis furóre de-
fende. Per Dóminum.

Feria Tertia.

¶ Spíritus Paráclitus,
allelúja. *R.* Docébit vos
ómnia, allelúja.

Pater noster. secreto.

¶ Et ne nos indúcas in
tentatiónem. *R.* Sed libera
nos a malo.

Absolutio. Ipsius pietas
et misericórdia nos ádju-
vet, qui cum Patre et Spí-
ritu Sancto vivit et regnat
in sæcula sæculórum.

R. Amen.

¶ Jube domne bene-
dicere.

Bened. Evangélica lécio
sit nobis salus et protéctio.

R. Amen.

Lécio sancti Evangélii se-
cúndum Joánnem.

Lectio i. Cap. 10.

In illo témpore: Dixit Je-
sus pharisæis: Amen,

amen dico vobis: qui non
intrat per óstium in ovile
óvium, sed ascendit ali-
únde, ille fur est, et latro.
Qui autem intrat per ósti-
um, pastor est óvium. Et
reliqua.

*Homilia sancti Augustini
Episcopi.*

Tract. 45. in Joann. post init.

Dóminus de grege suo,
et de óstio quo in-
trátur ad ovile, si-
militúdinem propósuit in
hodiérna lectione. Dicant
ergo pagáni: Bene vivimus.
Si per óstium non intrant,
quid prodest eis unde glo-
riántur? Ad hoc enim de-
bet unicuique prodésse be-
ne vivere, ut detur illi sem-
per vivere: nam cui non
datur semper vivere, quid
prodest bene vivere? Quia
nec bene vivere dicénda
sunt, qui finem bene vivén-
di vel cæcitate nesciunt,
vel inflatióne contémnunt.
Non est autem cuiquam
spes vera et certa semper
vivénda, nisi agnóscat vi-
tam, quod est Christus, et
per jánuam intret in ovile.

R. Apparuerunt Apósto-
lis dispertitæ lingue tam-
quam ignis, allelúja: * Sed
itque supra singulos eó-
rum Spíritus Sanctus, alle-
lúja, allelúja. ¶ Et cepé-
runt loqui váriis linguis,

prout Spíritus Sanctus dabat éloqui illis. Sedítque supra singulos eórum Spíritus Sanctus, allelúja, allelúja.

V. Jube domne benedicere.

Bened. Divínium auxili-um máneat semper nobiscum. **R.** Amen.

Lectio ii.

Quærunt ergo plerúmque tales hómines étiam persuadere homínibus, ut bene vivant, et Christiáni non sint. Per áliam partem volunt ascendere, rápere et occidere; non ut bonus pastor, conserváre atque salváre. Fuérunt ergo quidam philósophi de virtútibus et vítiis subtilia multa tractántes, dividéntes, definiéntes, ratiocinátiones acutíssimas concludéntes, libros impléntes, suam sapiéntiam buccis crepántibus ventilántes, qui étiam dícere auderent homínibus: Nos sequímini, sectam nostram tenéte, si vultis beáte vívere. Sed non intrábant per óstium: pérdere volébant, mactáre et occidere.

R. Loquebántur váriis linguis Apóstoli magnália Dei. * Prout Spíritus Sanctus dabat éloqui illis, allelúja. **V.** Repléti sunt omnes Spíritu Sancto, et cœperunt

loqui. Prout Spíritus Sanctus dabat éloqui illis, allelúja. **G**lória Patri, et Spíritui Sancto. Prout Spíritus Sanctus.

V. Jube domne benedicere.

Bened. Ad societátem civium supernórum perdúcat nos Rex Angelórum.

R. Amen.

Lectio iii.

Quid de istis dicam? Ecce ipsi pharisæi legébant, et in eo, quod legébant, Christum sonábant, ventúrum sperábant, et præséntem non agnoscébant. Jactábant se étiam ipsi inter Vidéntes, hoc est, inter sapiéntes, et negábant Christum, et non intrábant per óstium. Ego et ipsi, si quos forte sedúcerent, mactándos et occidéndos, non liberándos sedúcerent. Et hos dimittámus: videámus illos, si forte ipsi intrant per óstium, qui ipsíus Christi nómine gloriántur. Innumerábiles enim sunt, qui se Vidéntes non solum jactant, sed a Christo illuminátos vidéri volunt: sunt autem hærétici.

Te Deum laudámus. 20.

Ad Bened. Ant. Ego sum óstium, dicit Dóminus: per me si quis introierit, salvá-

bitur, et páscua invéniet, allelúja.

Oratio.

Adsit nobis, quæsumus Dómine, virtus Spíritus Sancti: quæ et corda nostra cleménter expúrget, et ab ómnibus tueátur advérsis. Per Dóminum nostrum Jesum Christum Filium tuum: Qui tecum vivit et regnat in unitáte ejúsdem Spíritus Sancti Deus, per ómnia sæcula sæculórum.

R. Amen.

Ad Magnif. Ant. Pacem relinquo vobis, pacem meam dó vobis: non quómodo mundus dat, ego dó vobis, allelúja.

Ad Missam.

Statio ad S. Anastasiam.

Introitus. 4. Esd. 2.

Accipite jucunditátem glóriæ vestræ, allelúja: grátias ágéntes Deo, allelúja: qui vos ad cœléstia regna vocávit, allelúja, allelúja, allelúja.

Ps. 77. Atténdite pópule meus legem meam: inclínate aurem vestram in verba oris mei.

V. Glória Patri.

Oratio.

Adsit nobis, quæsumus Dómine, virtus Spíritus Sancti: quæ et corda nostra

cleménter expúrget, et ab ómnibus tueátur advérsis. Per Dóminum... in unitáte ejúsdem Spíritus Sancti Deus.

Lectio Actuum Apostolórum.

Act. 8. c.

In diébus illis: Cum audissent Apóstoli, qui erant Jerosólymis, quod recepisset Samaría verbum Dei, misérunt ad eos Petrum et Joánnem. Qui cum venissent, oraverunt pro ipsis ut acciperent Spíritum Sanctum; nondum enim in quemquam illórum vénerat, sed baptizáti tantum erant in nómine Dómini Jesu. Tunc imponébant manus super illos, et accipiebant Spíritum Sanctum.

Allelúja, allelúja.

V. Joann. 14. Spíritus Sanctus docébit vos quæcúmque dixero vobis. Allelúja.

Hic genuflectitur. V. Veni Sancte Spíritus, reple tuórum corda fidélium: et tui amoris in eis ignem accénde.

Sequentia. Veni Sancte Spíritus. ut supra in Domínica. pag. 34.

* **Sequentia sancti Evangelii secundum Joánnem.**

Joann. 10.

In illo témpore: Dixit Jesus pharisæis: Amen,

amen dico vobis: qui non intrat per ostium in ovile ovium, sed ascendit aliunde, ille fur est, et latro. Qui autem intrat per ostium, pastor est ovium. Huic ostiarium aperit, et oves vocem ejus audiunt, et proprias oves vocat nominatim, et educit eas. Et cum proprias oves emisit, ante eas vadit: et oves illum sequuntur, quia sciunt vocem ejus. Alienum autem non sequuntur, sed fugiunt ab eo: quia non novērunt vocem alienorum. Hoc proverbium dixit eis Jesus. Illi autem non cognoverunt quid loqueretur eis. Dixit ergo eis iterum Jesus: Amen, amen dico vobis, quia ego sum ostium ovium. Omnes quotquot venerunt, fures sunt, et latrones, et non audierunt eos oves. Ego sum ostium. Per me si quis introierit, salvabitur: et ingreditur, et egreditur, et pascua inveniet. Fur non venit nisi ut fureretur, et mactet, et perdat. Ego veni ut vitam habeant, et abundantius habeant. **Credo.**

Offertorium. Ps. 77. Portas caeli aperuit Dominus: et pluit illis manna, ut ederent: panem caeli dedit eis, panem Angelorum manducavit homo, allelúja.

Secreta.

Purificet nos, quæsumus Domine, muneris præsentis oblatio: et dignos sacramentatione efficiat. Per Dominum.

Communio. Joa. 15. 16. et 17. Spiritus qui a Patre procedit, allelúja: ille me clarificabit, allelúja, allel.

Postcommunio.

Mentes nostras, quæsumus Domine, Spiritus Sanctus divinis replet sacramentis: quia ipse est remissio omnium peccatorum. Per Dominum... in unitate ejusdem Spiritus Sancti Deus.

Feria Quarta**Quatuor Temporum.**

V. Repleti sunt omnes Spiritu Sancto, allel. **R.** Et cœperunt loqui, allelúja.

Pater noster. secreto.

V. Et ne nos inducas in tentationem. **R.** Sed libera nos a malo.

Absol. A vinculis peccatorum nostrorum absolvat nos omnipotens et misericors Dominus. **R.** Amen.

V. Jube domne benedicere.

Bened. Evangelica lectio sit nobis salus et protectio. **R.** Amen.

Lectio sancti Evangelii secundum Joannem.

Lectio i. Cap. 6. e.

In illo tempore: Dixit Jesus turbis Judæorum: Nemo potest venire ad me, nisi Pater, qui misit me, traxerit eum. Et reliqua.

Homilia sancti Augustini Episcopi.

Tract. 26. in Joann. post init.

Noli cogitare te invitum trahi: trahitur animus et amore. Nec timere debemus, ne ab hominibus, qui verba perpéndunt, et a rebus maxime divinis intelligendis longe remoti sunt, in hoc Scripturarum sanctarum evangelico verbo forsitan reprehendámur, et dicatur nobis: Quomodo voluntate credo, si trahor? Ego dico: Parum est voluntate: etiam voluptate traheris. Quid est, trahi voluntate? Delectare in Domino: et dabit tibi petitiones cordis tui. Est quædam voluptas cordis, cui panis dulcis est ille cœlestis. Porro si potest dicere licuit: Trahit sua quemque voluptas: non necessitas, sed voluptas; non obligatio, sed delectatio: quanto fortius nos dicere debemus, trahi hominem ad Christum, qui delectatur veritate, delectatur bea-

titudine, delectatur justitia, delectatur sempiterna vita, quod totum Christus est? An vero habent corporis sensus voluptates suas, et animus deseruit a voluptatibus suis? Si animus non habet voluptates suas, unde dicitur: Filii autem hominum sub tegmine alarum tuarum sperabunt: Inebriabuntur abundantate domus tuæ, et torrente voluptatis tuæ potabis eos. Quoniam apud te est fons vitæ: et in lumine tuo videbimus lumen.

R. Disciplinam et sapientiam docuit eos Dominus, allelúja: firmavit in illis gratiam Spiritus sui, * Et intellectu implévit corda eorum, allelúja. **V.** Repentino namque sonitu Spiritus Sanctus super eos venit. Et intellectu implévit corda eorum, allelúja.

V. Jube domne benedicere.

Bened. Divinum auxilium maneat semper nobiscum. **R.** Amen.

Lectio ii.

Da amantem, et sentit quod dico: da desiderantem, da esurientem, da in ista solitudine peregrinantem, atque sitiëntem, et fontem æternæ patriæ suspirantem: da talem, et scit